

註  
解  
傷  
寒  
論

註解傷寒論卷第四

漢張仲景著

晉王叔和撰次

宋成無已註

明汪濟川校正

辨太陽脉證并治下第七

問曰病有結胃有藏結其狀何如荅曰按之痛寸脉浮關脉沉名曰結胃也何謂藏結荅曰如結胃狀飲食如故時時下利寸脉浮關脉小細沉緊名曰藏結舌上白胎滑者難治

結胃者邪結在胃藏結者邪結在藏二者皆下後邪氣乘虛入裏所致下後邪氣入裏與陽相

結者爲結胃以陽受氣於胃中故爾與陰  
相結者爲藏結以陰受之則入五藏故爾氣宜  
通而塞故痛邪結陽分則陰氣不得上通邪結  
陰分則陽氣不得下通是二者皆心下鞭痛寸  
脉浮關脉沉知邪結在陽也寸脉浮關脉小細  
沉緊知邪結在陰也陰結而陽不結雖心下結  
痛飲食亦自如故陰氣乘腸虛而下故時時自  
下利陰得陽則解藏結得熱證多則易治舌上  
白胎滑者邪氣結胃中亦寒故云難治

藏結無陽證不往來寒熱其人反靜舌上胎滑者

不可攻也

藏結於法當下無陽證爲表無熱不往來寒熱  
爲半表半裏無熱其人反靜爲裏無熱經曰舌  
上如胎者以丹田有熱胃中有寒以表裏皆寒  
故不可攻

病發於陽而反下之熱入因作結胃病發於陰而  
反下之因作痞所以成結胃者以下之太早故也  
發熱惡寒者發於陽也而反下之則表中陽邪  
入裏結於胃中爲結胃無熱惡寒者發於陰也  
而反下之表中陰邪入裏結於心下爲痞

結胃者項亦強如柔痊狀下之則和宜大陷胃丸方

結胃病項強者爲邪結胃中胃膈結滿心下緊實但能仰而不能俛是項強亦如柔痊之狀也與大陷胃丸下結泄滿

大陷胃丸方

大黃

半斤味苦寒

葶藶

半升熬味苦寒

芒硝

半升味鹹寒

杏仁

半升去皮尖熬黑味苦甘溫

大黃芒硝之苦鹹所以下熱葶藶杏仁之苦甘所以泄滿甘遂取其直達白蜜取其潤利皆以

下泄滿實物也

右四味搗篩二味內杏仁芒硝合研如脂和散取如彈丸一枚別搗甘遂末壹錢匕白蜜二合水二升煮取一升溫頓服之一宿乃下如不下更服取下爲效禁如藥法

結胃證其脉浮大者不可下下之則死

結胃爲邪結胃中屬上焦之分得寸脉浮關脉沉者爲在裏則可下若脉浮大心下雖結是在表者猶多未全結也下之重虛邪氣復結則難可制故云下之則死

結胃證悉具煩燥者亦死

結胃證悉具邪結已深也煩燥者正氣散亂也邪氣勝正病者必死

太陽病脉浮而動數浮則爲風數則爲熱動則爲痛數則爲虛頭痛發熱微盜汗出而反惡寒者表未解也醫反下之動數變遲膈內拒痛胃中空虛客氣動膈短氣躁煩心中懊懣陽氣內陷心下因鞭則爲結胃大陷胃湯主之若不結胃但頭汗出餘無汗劑頸而還小便不利身必發黃也

動數皆陽脉也當責邪在表睡而汗出者謂之

盜汗爲邪氣在半表半裏則不惡寒此頭痛發熱微盜汗出反惡寒者表未解也當發其汗醫反下之虛其胃氣表邪乘虛則陷邪在表則見陽脉邪在裏則見陰脉邪氣內陷動數之脉所以變遲而浮脉獨不變者以邪結胷中上焦陽結脉不得而沉也客氣者外邪乘胃中空虛入裏結於胷膈中拒痛者客氣動膈也金匱要畧曰短氣不足以息者實也短氣燥煩心中懊懣皆邪熱爲實陽氣內陷氣不得通於膈壅於心下爲鞭滿而痛成結胷也與大陷胷湯以下



結熱若胃中空虛陽氣內陷不結於胃膈下入於胃中者遍身汗出則爲熱越不能發黃若但頭汗出身無汗劑頸而還小便不利者熱不得越必發黃也

大陷胃湯方

大黃

六兩去皮苦寒

芒硝

一升鹹寒

甘遂

一錢苦寒

大黃謂之將軍以苦蕩滌芒硝一名硝石以其鹹能炙鞭夫間有甘遂以通水也甘遂若夫間之遂其氣可以直達透結陷胃三物爲允

右三味以水六升先煮大黃取二升去滓內芒消

煮一兩沸內甘遂末溫服一升得快利止後服  
傷寒六七日結胃熱實脈沉而緊心下痛按之石  
鞭者大陷胃湯主之

病在表而下之熱入因作結胃此不云下後而  
云傷寒六七日則是傳裏之實熱也沉爲在裏  
緊爲裏實以心下痛按之實鞭是以爲結胃與  
大陷胃湯以下結熱

傷寒十餘日熱結在裏復往來寒熱者與大柴胡  
湯但結胃無大熱者此爲水結在胃脇也但頭微  
汗出者大陷胃湯主之

傷寒十餘日熱結在裏是可下之證復往來寒熱爲正邪分爭未全歛結與大柴胡湯下之但結胃無大熱者非熱結也是水飲結於胃脇謂之水結胃周身汗出者是水飲外散則愈若但頭微汗出餘處無汗是水飲不得外泄停畜而不行也與大陷胃湯以逐其水

太陽病重發汗而復下之不大便五六日舌上燥而渴日晡所小有潮熱從心下至少腹鞭滿而痛不可近者大陷胃湯主之

重發汗而復下之則內外重亡津液而邪熱內

結致不大便五六日舌上燥而渴也日晡潮熱者屬胃此日晡小有潮熱非但在胃從心下至少腹鞭滿而痛不可近者是一腹之中上下邪氣俱甚也與大陷胃湯以下其邪

小結胃病正在心下按之則痛脉浮滑者小陷胃湯主之

心下鞭痛手不可近者結胃也正在心下按之則痛是熱氣猶淺謂之小結胃結胃脉沉緊或寸浮關沉今脉浮滑知熱未深結與小陷胃湯以除胃膈上結熱也

小陷胃湯方

黃連

一兩  
苦寒

半夏

半升  
洗  
辛溫

括蕒實

大者一箇  
味苦寒

苦以泄之辛以散之黃連括蕒實苦寒以泄熱

半夏之辛以散結

右三味以水六升先煮括蕒取三升去滓內諸藥  
煮取二升去滓分溫三服

太陽病二三日不能卧但欲起心下必結脉微弱  
者此本有寒分也反下之若利止必作結胃未止  
者四日復下之此作協熱利也

太陽病二三日邪在表也不能卧但欲起心下

必結者以心下結滿卧則氣壅而愈甚故不能卧而但欲起也心下結滿有水分有寒分有氣分今脉微弱知本有寒分醫見心下結而反下之則太陽表邪乘虛入裏利止則邪氣留結爲結胷利不止至次日復如前下利不止者是邪熱下攻腸胃爲挾熱利也

太陽病下之其脉促不結胷者此爲欲解也脉浮者必結胷也脉緊者必咽痛脉弦者必兩脇拘急脉細數者頭痛未止脉沉緊者必欲嘔脉沉滑者協熱利脉浮滑者必下血

此太陽病下之後邪氣傳變其脉促者爲陽盛  
下後脉促爲陽勝陰也故不作結胃爲欲解下  
後脉浮爲上焦陽邪結而爲結胃也經曰結胃  
者寸脉浮關脉沉下後脉緊則太陽之邪傳於  
少陰經曰脉緊者屬少陰內經曰邪客於少陰  
之絡令人咽痛不可內食所以脉緊者必咽痛  
脉弦則太陽之邪傳於少陽經曰尺寸俱弦者  
少陽受病也其脉循脇絡於耳所以脉弦者必  
兩脇拘急下後邪氣傳裏則頭痛當止脉細數  
爲邪未傳裏而傷氣也細爲氣少數爲在表故

頭痛未止脉沉緊則太陽之邪傳於陽明爲裏實也沉爲在裏緊爲裏實陽明裏實故必欲嘔脉滑則太陽之邪傳於腸胃以滑爲陰氣有餘知邪氣入裏干於下焦也沉爲血勝氣虛是爲協熱利浮爲氣勝血虛是知必下血經曰不宜下而便攻之諸變不可勝數此之謂也

病在陽應以汗解之反以冷水澀之若灌之其熱被却不得去彌更益煩肉上粟起意欲飲水反不渴者服文蛤散若不差者與五苓散寒實結胃無熱證者與三物小陷胷湯白散亦可服



病在陽爲邪在表也法當汗出而解反以冷水  
澀之灌洗熱被寒水外不得出則反攻其裏彌  
更益煩肉上粟起者水寒之氣客於皮膚也意  
欲飲水者裏有熱也反不渴者寒在表也與文  
蛤散以散表中水寒之氣若不差是水熱相搏  
欲傳於裏與五苓散發汗以和之始熱在表因  
水寒制之不得外泄內攻於裏結於胃膈心下  
鞭痛本是水寒伏熱爲實故謂之寒實結胃無  
熱證者外無熱而熱悉収斂於裏也與小陷胃  
湯以下逐之白散下熱故亦可攻